

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za prostorno uređenje, promet, komunikacije i zaštitu okoline, Vlada Zeničko-dobojskog kantona, na 130. sjednici, održanoj 22.05.2026. godine, d o n o s i

## ZAKLJUČAK

### I

Odobrava se Kantonalnoj upravi za šumarstvo, privremeno korištenje bez naknade, dijela poslovnog prostora i zajedničkih pratećih prostorija u poslovnoj zgradi Kantonalnog zavoda za urbanizam i prostorno uređenje u sastavu Ministarstva za prostorno uređenje, promet, komunikacije i zaštitu okoline, a za potrebe smještaja Kantonalne uprave za šumarstvo – Odjeljenje Zenica.

### II

Privremeno korištenje bez naknade iz tačke I ovog zaključka, za period od godinu dana od dana usvajanja ovog zaključka, odnosi se na korištenje poslovnog prostora – 3 (tri) kancelarije na VI spratu, ukupne površine od 46,30 m<sup>2</sup> (prostorije i kancelarije površine: 16,50 m<sup>2</sup>, 12,16 m<sup>2</sup> i 17,64 m<sup>2</sup>) i zajedničkih prostorija i lifta u poslovnoj zgradi u ulici Mehmedalije Tarabara broj: 15 u Zenici.

### III

Redovni mjesečni troškovi (režijski troškovi) koji proisteknu po osnovu korištenja poslovnog prostora iz tačke II ovog zaključka finansirat će se iz sredstava Kantonalne uprave za šumarstvo, što će biti predmetom sporazuma koji će zaključiti Kantonalni zavod za urbanizam i prostorno uređenje i Kantonalna uprava za šumarstvo.

### IV

Za realizaciju ovog zaključka zadužuju se Ministarstvo za prostorno uređenje, promet i komunikacije i zaštitu okoline, Ministarstvo za poljoprivredu, šumarstvo i vodoprivredu, Kantonalni zavod za urbanizam i prostorno uređenje, Kantonalna uprava za šumarstvo i Služba za zajedničke poslove, svako u okviru svojih nadležnosti.

### V

Ovaj zaključak stupa na snagu danom donošenja.

Broj: 02-\_\_\_\_\_/26  
Datum, 22.05.2026. godine  
Zenica

**PREMIJER**  
**po ovlaštenju**

*Dženana Čišija*

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,  
1x Ministarstvo za poljoprivredu, šumarstvo i vodoprivredu,  
1x Kantonalni zavod za urbanizam i prostorno uređenje, putem Ministarstva za prostorno uređenje, promet i komunikacije i zaštitu okoline,  
1x Kantonalna uprava za šumarstvo, putem Ministarstva za poljoprivredu, šumarstvo i vodoprivredu,  
1x Ministarstvo finansija,  
1x Služba za zajedničke poslove,  
1x a/a.